



SURAT EDARAN PENTADBIRAN
BILANGAN 4 TAHUN 2022

**CUTI TANPA REKOD SEMPENA PESTA KAAMATAN
DAN HARI GAWAI
DI UNIVERSITI TEKNIKAL MALAYSIA MELAKA**

Pejabat Pendaftar
17 Januari 2022 | 14 Jamadilakhir 1443H

Disalinkan kepada:

Naib Canselor
Timbalan Naib Canselor (Akademik dan Antarabangsa)
Timbalan Naib Canselor (Penyelidikan dan Inovasi)
Timbalan Naib Canselor (Hal Ehwal Pelajar)
Penolong Naib Canselor (Jaringan Industri dan Masyarakat)
Penolong Naib Canselor (Pembangunan dan Pengurusan Fasilitas)
Pegawai-Pegawai Kanan
YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTEM100-1/3/3 (14)

17 JANUARI 2022
14 JAMADILAKHIR 1443H

SURAT EDARAN PENTADBIRAN BIL. 4/2022

CUTI TANPA REKOD SEMPENA PESTA KAAMATAN DAN HARI GAWAI DI UNIVERSITI TEKNIKAL MALAYSIA MELAKA

1.0 TUJUAN

- 1.1 Surat Edaran Pentadbiran ini bertujuan untuk memaklumkan kepada semua staf Universiti Teknikal Malaysia Melaka mengenai pemakaian Surat Edaran Jabatan Perkhidmatan Awam No. Rujukan JPA.SARAAN(S)43/35 Jld. 6 (13) bertarikh 16 Mei 2017 iaitu Cuti Tanpa Rekod Sempena Pesta Kaamatan Dan Hari Gawai yang telah mendapat kelulusan Mesyuarat Lembaga Pengarah Universiti Bilangan 6 Tahun 2021 pada 22 Disember 2021.

2.0 PELAKSANAAN

- 2.1 Selaras dengan pengumuman YAB Perdana Menteri pada 16 Mei 2017, UTeM telah bersetuju untuk melaksanakan pemberian kemudahan Cuti Tanpa Rekod Sempena Pesta Kaamatan Dan Hari Gawai kepada staf tetap dan kontrak seperti berikut:-
- (a) staf kelahiran Sabah atau Wilayah Persekutuan Labuan yang berkhidmat di Semenanjung Malaysia dibenarkan mengambil satu (1) hari Cuti Tanpa Rekod untuk menyambut Pesta Kaamatan pada 30 Mei atau 31 Mei setiap tahun.
 - (b) staf kelahiran Sarawak yang berkhidmat di Semenanjung Malaysia dibenarkan mengambil satu (1) hari Cuti Tanpa Rekod untuk menyambut Hari Gawai pada 1 Jun atau 2 Jun setiap tahun.
- 2.2 Bagi menikmati kemudahan ini, staf perlu mengisi borang permohonan Cuti Tanpa Rekod dengan menyertakan Sijil Kelahiran dan mengemukakannya kepada Ketua

Pusat Tanggungjawab masing-masing untuk kelulusan dan seterusnya dimajukan kepada pihak Pejabat Pendaftar untuk direkodkan dalam Buku Perkhidmatan.

3.0 TARIKH KUAT KUASA

3.1 Surat Edaran Pentadbiran ini berkuat kuasa pada 1 Januari 2022.

Sekian, terima kasih.

“WAWASAN KEMAKMURAN BERSAMA 2030”

“BERKHIDMAT UNTUK NEGARA”

“KOMPETENSI TERAS KEGEMILANGAN”

Saya yang menjalankan amanah,



MASDZARIF BIN MAHAT
Ketua Pegawai Operasi
Universiti Teknikal Malaysia
Melaka

FAQ SURAT EDARAN

CUTI TANPA REKOD SEMPENNA PESTA KAAMATAN DAN HARI GAWAI

BIL.	SOALAN	JAWAPAN
1.	Siapakah yang layak diberikan Cuti Tanpa Rekod (CTR) Sempena Pesta Kaamatan dan Hari Gawai?	Semua pegawai Perkhidmatan Awam yang lahir di Sabah, Wilayah Persekutuan Labuan atau Sarawak.
2.	Adakah pegawai yang menerima Bayaran Insentif Wilayah sahaja yang layak mendapat kemudahan CTR Sempena Pesta Kaamatan dan Hari Gawai ini?	Kemudahan ini diperuntukkan kepada pegawai Perkhidmatan Awam yang lahir di Sabah, Wilayah Persekutuan Labuan atau Sarawak. Kemudahan CTR ini tidak ada kaitan dengan penerimaan Bayaran Insentif Wilayah atau tidak.
3.	Apakah dokumen yang diperlukan untuk mengesahkan pegawai lahir di Sabah, Wilayah Persekutuan Labuan atau Sarawak bagi tujuan kemudahan ini?	Sijil Kelahiran pegawai.
4.	Sekiranya pegawai diarahkan untuk bertugas pada hari Pesta Kaamatan atau Hari Gawai, adakah pegawai boleh memohon cuti gantian?	Sekiranya pegawai diarahkan untuk bertugas pada hari Pesta Kaamatan atau Hari Gawai, pegawai tidak boleh diberikan cuti gantian. Ini adalah kerana, kemudahan ini merupakan pemberian CTR dan hari berkaitan bukan merupakan hari kelepasan am di Semenanjung Malaysia. Walau bagaimanapun, Ketua Jabatan hendaklah bertimbang rasa dan boleh mempertimbangkan salah satu hari iaitu: i. 30 atau 31 Mei bagi pegawai kelahiran Sabah atau Wilayah Persekutuan Labuan; dan ii. 1 atau 2 Jun bagi pegawai kelahiran Sarawak.

BIL.	SOALAN	JAWAPAN
5.	Adakah pegawai lantikan <i>Contract of Service</i> layak mendapat kemudahan CTR Sempena Pesta Kaamatan dan Hari Gawai?	Pegawai lantikan <i>Contract of Service</i> yang berkhidmat di Semenanjung Malaysia layak diberikan CTR Sempena Pesta Kaamatan dan Hari Gawai.
6.	(i) Adakah pegawai (berkhidmat di Semenanjung Malaysia) bukan kelahiran Sabah, Wilayah Persekutuan Labuan atau Sarawak tetapi ibu atau bapa lahir atau menetap di Sabah, Wilayah Persekutuan Labuan atau Sarawak layak mendapat kemudahan CTR Sempena Pesta Kaamatan dan Hari Gawai? (ii) Adakah pegawai (berkhidmat di Semenanjung Malaysia) kelahiran Sabah, Wilayah Persekutuan Labuan atau Sarawak tetapi ibu atau bapa tidak lahir atau menetap di Sabah, Wilayah Persekutuan Labuan atau Sarawak, layak mendapat kemudahan CTR Sempena Pesta Kaamatan dan Hari Gawai?	(i) Pegawai bukan kelahiran Sabah, Wilayah Persekutuan Labuan atau Sarawak tetapi ibu atau bapa lahir atau menetap di Sabah, Wilayah Persekutuan Labuan atau Sarawak tidak layak mendapat kemudahan CTR Sempena Pesta Kaamatan dan Hari Gawai. (ii) Pegawai layak kerana lahir di Sabah, Wilayah Persekutuan Labuan atau Sarawak.
7.	Sekiranya Pesta Kaamatan dan Hari Gawai jatuh pada hari rehat mingguan, hari kelepasan mingguan dan hari kelepasan am di Semenanjung Malaysia, adakah cuti tersebut boleh dibawa kepada hari berikutnya?	Sekiranya Pesta Kaamatan dan Hari Gawai jatuh pada hari rehat mingguan, hari kelepasan mingguan dan hari kelepasan am di Semenanjung Malaysia, cuti tersebut tidak boleh dibawa kepada hari berikutnya. Ini adalah kerana, kemudahan ini merupakan suatu CTR yang diberi sekiranya Pesta Kaamatan dan Hari Gawai jatuh pada hari bekerja di Semenanjung Malaysia. Pesta Kaamatan dan Hari Gawai bukan merupakan hari kelepasan am di Semenanjung Malaysia.